



Sesida dals

20 d'avust 2019

Communitgà ils

23 d'avust 2019

Protocol nr.

615

Dumonda Pajic

concernent ina statistica en il sector d'agressiuns cunter LGBTQ

Resposta da la regenza

Tenor la regenza èsi impurtant da proteger minoritads e da promover l'eliminaziun da mintga furma da discriminaziun, en spezial pervia da l'orientaziun sexuala u da l'identitad da schlattaina.

Tar la dumonda 1: L'uffizi federal da statistica (UFS) ha dumandà la primavaira ils chantuns, sch'ils acts chastiabels cunter persunas LGBTQ (lesbas, omosexuels, bisexuals, transgender, queer) duain vegnir registrads separadamain en la statistica criminala. La maioritad dals chantuns è s'exprimida cunter la registraziun dal motiv complementar per in act chastiabel. Ils acts chastiabels cunter persunas LGBTQ na vegnan – tenor l'UST cumpetent – pia er en l'avegnir betg registrads separadamain en la statistica criminala. La registraziun en la statistica criminala po mo vegnir decidida da l'UST. Uscheditg che crims per odi envers persunas LGBTQ na represchen-
tan betg in agen causal penal u che l'indicaziun differenziada d'in motiv n'è betg obli-
gatorica en tut ils chantuns, n'èsi betg pussaivel da publitgar datas respectivas d'auta
qualitad en la statistica naziunala. Retschertgas statisticas expressivas èn mo pus-
saihlas, sche las cifras vegnan registradas en moda unitara en tut la Svizra e sch'i
stat a disposiziun ina quantitad da datas expressiva. Ultra da quai permetta la re-
gistraziun ordaifer la statistica criminala da trair conclusiuns davart l'orientaziun
sexuala d'ina persuna. Per motivs da la protecziun da datas è quai problematic. La
regenza sustegna però en il futur la registraziun en la statistica criminala.

Tar la dumonda 2: Da princip ston vegnir chattadas soluziuns en il rom da tut la societad. Ina scolaziun ed ina sensibilisaziun da las autoritads da persecuziun penala, en spezial da la polizia, per las sfidas las pli differentas che resultan en il mintgadi da la polizia, ha gia lieu en il rom d'examen "Dretg uman ed etica".

Tar la dumonda 3: Il pli efficaci èn las denunziadas da las personas pertutgadas tar la polizia, schebain ch'i dat probablamain per differentes motivs tschertas retegnyentschas. Mintga polizista e mintga polizist vegn a prender encunter ina tala denunzia. La finala ha la persecuziun penala in grond effect preventiv.

Tar la dumonda 4: Tgi che instighescha en il futur cunter personas LGBTQ sto far quint cun consequenzas. Il december 2018 ha il parlament federal decidì da chastiar la discriminaziun pervia da l'orientaziun sexuala, e quai cun extender l'artitgel d'antirassism. Fin ussa era scumandada l'incitaziun a l'odi ed a chaussas sumegliantas envers rassas, etnias u religiuns. Ina persecuziun penala ed ina giurisdicziun consequenta èn ina protecziun efficazia cunter discriminaziun e cunter crims per odi.

Tar la dumonda 5: A chaschun da la sessiun dals giuvenils dals 11 da november 2018 è vegnì pretendì il sustegn statal per ina rait cun l'intent da reducir il figt aut dumber da suicids tar giuvenils LGBTQ. Ad ina soluziun federala sa participass er la regenza. Ultra da quai sustegna il chantun mintga onn la cussegliaziun e l'agid 147 da la Pro juventute Svizra e pia er la campagna "Prevenziun dal suicid da giuvenils". Avant 2 onns han ils servetschs psichiatrics dal Grischun (SPGR) cumenzà cun l'installaziun d'ina ura da consultaziun per la diversitad da las schlattainas. A medem temp organiseschon ils SPGR differentas occurrenzas sco referats e discussiuns al podium per sensibilisar ed infurmar.



En num da la Regenza

Il president:

Dr. Jon Domenic Parolini

Il chancelier:

Daniel Spadin